

柳田文庫
文庫11
D 147
6



文庫 11
D 147
6

010190553553



敦交集

李季和 名孝光永嘉人

宿魏仲遠宅

每憶君家好兄弟輕舟遠出踐深期春風吹雨曹娥
渡夕照滿山虞舜祠即問寒暄如夢寐各言加飯尉
相思重來應記呼鐙處夏蓋山前月上遲

潘子素

名純淮南人

秋日與仲遠昆季飲有懷李季和先生

涵暉軒下重經過愛客情懷久更多晴日上簾分竹



色曉風移席近鷗波相看把酒賢兄弟却憶題詩老
季和頭白校書天祿閣無由共飲恨如何

高則誠

名明永嘉人

丁酉二月二日訪仲仁仲遠仲剛賢昆季別

後賦詩以謝

隱君家在越江邊煙雨江村繞舜田玉樹郎君宜采
服紫荆兄弟正青年山雲曉閣讀書屋湖水春明載
酒船何日重來伏龍下叅同契裏問神仙

子素先生客夏蓋湖上欲往見而未能因賦

詩用東仲遠徵君同發一嘆

夏蓋山前湖水平楊梅欲熟雨冥冥吳門亂後逢梅
福遼海來時識管寧野霧連村迷豹隱江風吹浪送
魚腥伯陽舊有叅同契好共雲孫講易經

陳君從

名廷言天台人

客上虞奉寄竹深賢契

象田舜井異吾聞小縣人家兩岸分尚想有虞遺德
化至今黎庶重耕耘丹光夜燭金壘月光水氣春生玉
帶雲却恠此時多外警江頭戍柝動成羣

陳起章 名士奎暨陽人

奉次仲遠丙戌新正之作

大化曾無一息間
往來寒暑若輪環
新元又見逢人日
老色偏驚上旅顏
霞映海光偏燦爛
水添雪汁轉潺湲
客庖賸有東風在
宵歎餅儲玉粒慳

王竹齋 名冕會稽人

乙未春訪仲遠宿寄傲軒觀李著作詩遂賦

長句

花竹叅差蔭石苔
幽居却似小蓬萊
山光入座青雲

動水色搖天
白雨開得興不妨閑
覓句忘機儘自可
啣杯主人愛客能瀟灑
許我携琴日日来

陳仲嘉 名謨會稽人

和李五峯先生韻

海內蚤傳真學士
老成何可負昌期
玉堂視草終秉筆
金殿分香出奉祠
汗竹要留千古事
丹心先論一朝思
青臚炯々童顏在
雨露中天未覺遲

王公玉 名璠剡川人

次韻竹深徵士感懷三首

海內蒼生日轉疲誰能陳列任持危阿衡莘野躬畊
耒尚父磻溪把釣絲落月樓臺回客夢清宵鼓角動
人悲百年塵事腸頻斷短髮蕭蕭有所思

自愛龐公不入城銀杯對客日須傾羽書愁動江鄉
地金鼓氣豪邊塞營黃鵠已沉雲外影烏鴉偏送月
中聲絕憐風致誰相及小艇看山秋水平

虞川萬室舊花縣此日風塵鏤作城玉帶左環春水
淨金壘中起莫雲生星垂北極路非遠地控南邦鎮
不輕自是勿安甘避世未緣才薄棄承明

次竹深隱君韻

苔生岸石綠成衣日江頭小雨飛澗下奔瀧聲頗
壯風中高柳力偏微清標盖俗冰凝壑妙句驚人作
錦機多荷君家好兄弟畫船相訪過林扉

至正廿五年季夏望日燕壽樂堂分韻得高
字

愛汝華堂遠俗囂青山對面與雲高可堪好酒畢吏
部更有能詩何水曹繭紙謬教題采筆銀餅不惜瀉
蒲萄也應清曠風塵外誰道邊城尚繹騷

王五雲宿識趣軒值連雨暴漲竹深賦詩余亦次韻

潮上波添二尺餘梅霖六月未曾除相望小穴幾家地獨憶故人千里書夜屋乍喧風勢惡山田新長稼苗踈羨君清興詩頻寓愁斷羈腸愧荷鉏

朱雲窠訪竹深隱君座上有詩余因次韻

風微湖上息鯨波客子論文竹下過也愛飛觴同劇醉故應彈缺不成歌輕雲千樹山光淡小雨一簾秋氣多何日幽尋登絕頂攀緣石磴拊青蘿

席上次王交山韻

高堂宿雨歇白芷輕飈涼肆筵燕羣彥中夜傾霞觴况復敦古誼那用陳清簧環珮乃雲集歌聲遂金鏘歡情詎有極素月天中央

陳白雲

名敬山陰人

次韻竹深隱君入邑感懷

世上交游能百歲咲談那得蓋頻傾雜畊原野仍無恙將老菟裘或可營城市近添沽酒肆人家况有讀書聲買舟好向籬邊繫門外湖波與海平

次韻暮春即事

泚氣熏人似酒濃，市橋楊柳自西東。
乍寒乍暖清明候，時起時眠醒醉中。
黛色有痕嚙宿雨，翠條無力繫春風。
年年飛絮隨流水，浪作浮萍逐斷蓬。

于煥卿名德文

奉簡仲遠隱居

先生高尚住山林，已遂初年隱者心。
藥徑有花時酌酒，竹窓無月不彈琴。
文章西漢全宗古，人物中州又見今。
秋滿南湖小亭榭，扁舟還許一相尋。

鄭元秉

名彛餘姚人

乙巳春三月八日和仲遠近作二首

雲林深處地仙居，閑伴老樵尋老漁。
吟屐倦行呼釣艇，酒壺倒挂在柴車。
亂離時世全高潔，澗朴山川似古初。
江上春晴來訪舊，桃花簇簇雨踈踈。

晝長簾捲對鑪熏，瀟灑齋居近此君。
謬醉綠尊歌白雪，自揮彩筆賦停雲。
渭陽情重親如在，鄭國名高世共聞。
老去優游多制作，諸郎玉立搃能文。

徐仁初

名上原上虞人

奉和竹深親長暮春過餘姚詩韻

好雨初晴野外洲，携書獨上木蘭舟。遠山歷歷如
畫，芳草離離祇喚愁。覓句每因閑裏得，嚼枮即向醉
中休。遙知客底多幽興，望極長江正穩流。

謹次見示高韻

睢陽有義士，赫聞張巡。古道去未遠，正氣何沉淪。
人生穹壤間，久欲思致身。堂幅負廣率，土皆王臣
學。優器迺具望，重名遂伸詩。篇寫雲館懷，慨摠情真。
沈亨道名惠心錢唐人

奉次竹深先生感懷詩韻

身世獨憐為物役，登臨惆悵際時危。滔秋水江如
帶颯，西風雨散絲。繫楫中流應有志，聽鷄深夜正
堪悲。故鄉亂後音書絕，對景時時動客思。

嚴宗正

名貞上虞人

和拙守王先生竹深軒賞杏花詩韻兼呈上
尊眷叔

春日軒窗面，開杏花數朵。出牆來終朝，且盡尊前
樂。薄暮還從竹下回，醉眼坐看迷遠近。繞欄吟咏重

徘徊東風自是無情者莫放殘紅滿綠苔

張九思

名克問餘姚人

姚江對月有懷仲遠徵君

百里芙蓉繞大河錦帆輕颺白鷗波月華夜照山河
淡露氣秋添草木多湖上故人成遠別天邊鴻雁幾
時過相思兩岸蘋花白回首西風倚櫂歌

奉次出邑感懷詩韻

蕭、車馬入孤城山崦人家日已傾兩眺峯巒文靖
宅四邊雲、亞夫營星分北極高無影地限長江怒

有聲此日觀風亭上望五雲猶擁泰階平

百里旌旗十萬營芙蓉夾道錦連城仙姑洞口苔痕
綠孝女祠前萸草生諸將並縣金虎貴探兵猶報羽
書輕自慙用世元無術獨有丹心答聖明

五雲宿識趣齋值連雨暴漲竹深有詩予亦

次韻

離懷重記隔年餘謬記新詩為掃除地近橫山千畝
竹家歲丹竈一囊書花間倚杖鶯聲合老去逢人酒
盞疎消得蓋湖三百頃釣船歸隱替畊鉏

毛儀仲 名翰天台人

春日有懷仲遠徵士賦詩二首

抱病惜芳景衡門掩春風
軋鵲似相語飛鳴屋東
唳不少休起我步庭中
鵲去故人至手持書一封
問答未及竟遠道情已通
開械感鵲意含笑歸房櫳
鏡湖不可去還憶夏蓋湖
其源翳林麓其隰散荷蒲
扁舟四五客美酒一百壺
狎弄魚鳥間簸蕩雲水區
放情恣游泝忘彼形勢途
晚尋烟中塢猶足憩斯湏
幽花列妓女明月侑盤盃
長嘯來天風濯足亂江鳧

庶幾永終日聊樂以為娛

俞時中 名恒上虞人

敬和竹深庚兄雨中感懷詩韻

人到終年自可傷白頭無
遇老村庄英雄聲振能驚
膽潦倒時危欲斲腸永夜
觀書銀燭短西風彈缺酒
杯長丈夫志氣衝牛斗十
萬鵬程有便翔
曲江斜日已西晡風急城
頭啼夜烏千里候程烽燧
息一秋邊報羽書無鏡中
華髮從誰減酒後高歌只
自娛身世不愁空老大功
名事業在吾徒

唐處敬

名肅會稽人

魏文集

九

七月廿日翰林東署有懷竹深高隱蕪簡上
虞諸故人

退朝坐東館新涼曙雨餘禁溝聞躍鯉掖柳見翔鳥
抽毫演綸命紀史宣皇謨器覽周天府書尋漢石渠
君恩固身被舊隱復情紆越里迷遙嶽曹江限大瀝
昔從諸友樂今成千里踈無由聆晤語聊復詠踟躕
所慙非尺璧持此託雙魚

魏仲剛

名弼

奉和竹深兄長入邑感懷詩韻

東南地迥烟塵暗野色蒼茫滿故城落日可憐人物
變長江依舊汐潮生山營日晚悲笳切秋樹風高落
葉輕涼夜漸深山月上不堪愁思到天明

江流一帶分吳越人跡稀踈世事危月照孤城傷白
骨馬嘶芳草識青絲山川寥寞星河近關塞蕭條鼓
角悲擾甲兵何日息莫雲千里共相思

敬和幽居長律

山色湖光共杳茫咲談壺酒且相羊心閑欲共漁樵

樂地僻尤知歲月長
傲世山公應放浪
乞身賀老六
踈狂獨憐為客傷
離思誰念淒淒在異鄉

用湖上采蓮詩韻

百頃荷花五月涼
輕舟不動睡鴛鴦
風迴西苑清宵
蓋日絢深宮
小隊粧村酒滿壺
迎醉客
棹歌一曲學
漁郎采蓮人
散頻回首猶有歸鴉送夕陽

奉和冬夜偶成高韻二首

夜永寒無寐
閑情得自如
風傳雲外鴈
地絕水南居
破悶憑新酒
怡情付舊書
曉看山色好
應愛雨晴初

一夜北風急
寒深碧海鯨
閉門茶竈冷
吹浪雪山傾
野色連雲色
松聲雜澗聲
浮生空過半
歎我尚無成

謹和夜雨無寐之作

雨窓潤色上烏紗
白髮何愁老海涯
讓外茆堂愁避
漏灘頭
漁艇趁移沙
隱居自可逃
名節行樂何妨戀
物華曉起雲邊看
日出高林啞
有啼鴉

徐用章 名以文上虞人

奉次舅氏暮春過餘姚詩韻

江上船開催暮潮
客程此日過餘姚
風光入眼緣詩

好世事繁人仗酒消燧火尚憐塵滿野林花猶見雪
封條晚來鼓角城頭起聲到蓬扉更穿窬
春來新水漲芳洲好沈江湖范蠡舟驛使不通南北
路烟塵唯動古今愁滿天風雨餘寒在是處鶯花樂
事休嘆我山林成落鬼可堪青鬢歲華流

用湖上燕集韻

湖上蘭舟繫綠楊主翁携客傍林塘鶯啼脩竹催詩
思風送飛華落酒觴浩飲也知連日醉勝遊不讓少
年狂何時山館尋幽事一翫吟篇引興長

徐存敬

名本誠餘姚人

謹和竹深舅氏詩韻

諸葛艱難扶漢室魯連談笑却秦軍蒼龍自有風雲
會白鶴寧同鴈鴛羣興發浩吟梁父調愁來時看劍
花紋湖山况有嘉賓友尊酒何妨日醉醺

用冬夜書懷韻

客枕無眠寒氣侵寸心懷古復傷今干戈滿地身如
寄時序催人老不禁阮籍窮途唯縱酒陶潛歸隱祇
長吟迢迢清漏何時盡老鶴數聲山月沉

徐惟章 名則文上虞人

奉荅尊舅見示高作

經年不見魏徵君，羨譽芳聲却遠聞。
丹井尚疑存火候，少微誰復看星文。
竹深筍長三春雨，山近花連一片雲。
自恨塵埃蒙白首，高齋風月許平分。

趙本初名傲山陰人

奉和入邑感懷三首

隱君自在山中住，閉戶十年方入城。
林下行車穿樹石，過村倚杖看雲生。
酒壺對客春愁破，詩骨通仙世

慮輕信是伯陽君，臯祖青瞳如月照人明。

十載兵戈四海疲，不堪旱虐值時危。
即看廊廟為霖雨，坐使農民足繭絲。
卒歲秋成還可望，四郊兵後更堪悲。
天瓢一瀉頃三日志，喜亭中快所思。

大舜祠東近海城，長江湖落勢如傾。
干戈滿地無多屋，鼓角連山十萬營。
六月黍苗憂旱暵，新涼草樹起秋聲。
詩人底是哀時切，慷慨悲歌恨未平。

仲遠隱君自錢唐道過學詩齋信宿而別見示客中佳章五首因和韻以荅枉教之意

數年為別長相憶客裏從容願不違揮塵高談風滿
席翦鐙深夜雨侵扉西湖華館題詩遍剡曲扁舟盡
興歸賴有紅兒能尉藉祗愁別酒浣征衣
旅館西湖上樓高無市聲鄉心江水遠詩句石泉清醉
倒金蕉葉眠溫錦織成故山歸計早不遣曉猿驚
客裏聽春雨親知話對床可能淹旅食甚欲買歸航酒
債過春晚鐙花喜夜涼錦囊珠玉富知子擅才長
散步蘇堤興渺然六橋曾喚過湖船歸來滿意償詩
酒十日高樓聽雨眠

南屏山下梵王家舊日風光逐電蛇何日尋盟禪榻
畔落花春水共煎茶

次韻餘姚客中

有客遠遊尋十洲龍泉山前移采舟長江回潮向東
去高城落日令人愁青春看花莫謬過錦囊題詩那
得休船頭放歌醒復醉也知此老足風流

陸德陽

名景龍錢唐人

寄上竹深契家以寓懷耿之情

竹深先生清隱處蓋湖萬頃水雲涼每聆金玉無來

使時見墳笮有和章麥熟崆峒思續食花開杜曲憶
傳觴西齋有客如羲獻為致慇懃意莫忘

奉次見貽詩韻

夏蓋湖頭秋日涼碧雲繞屋見蒼筤波光入酒蒲萄
綠雨意催詩齒菴香每羨謝公能曠達也知賀老足
清狂故人已動江湖興擬借扁舟載筆床

過伏龍山訪諸故舊詩呈竹深老友

江空歲晚賦停雲剪燭西窓話夜分山館無人訪遺
叟驛亭有客送徵君寒梅近水偏饒咲老鶴昂霄自

不群明日扁舟湖上去擢歌聲裏酒微醺

酒邊話舊情契綢繆見教二詩詞意深至輒

步來韻以呈

隔世相逢白髮長行窩十日坐書香羲熙處士遭衰
晉大曆詩人出盛唐往事荒涼驚逝水高情慷慨惜
流光只今故舊都淪落中夜懷人斷寸腸

百年身世累虛名一旦炎涼見薄情溝壑未應甘轉
死干戈已幸得更生誰家明月能吹竹何處滄浪可
濯纓但得歲寒心事在梅花滿把不勝清

留竹深軒賞雪

曹江三冬雪大作蓋湖七日冰不開明月墮空銀漢
淺白雲匝地玉山摧剡溪舉棹無由去灞岸騎驢或
可來却羨能詩何水部肯延東閣共觀梅

故人重見高誼藹然連日倡酬不已謾賦近
體奉呈

伏龍山色翠如新兵後重來訪所親喜見芝書徵國
士尚聞蕙帳隱山人文章未信窮為崇詩句馬能妙
入神慰我梅花窓下酒□□拍□滿懷春

奉寄竹深識趣二先生蕪簡泉上架閣

下榻徐高士彈琴魏隱君相望一溪水只隔半山雲
每憶朋簪盍俄驚客袂分登樓頻眺遠離思正紛々

至正庚子三月七日魏處士昆季邀予游夏

蓋湖憩福原精舍胥會者九人各賦詩一章

石橋流水放蘭舟野色蒼茫涼欲秋山勢截雲橫碧
海波光吞日沒滄洲岑叅羨陂客同泛賀老鑑湖誰
復遊醉插花枝爭勸酒尊前一咲歲如流

宋無逸

名玄僖餘姚人

奉寄仲遠仲剛漢章賢主賓

貧病交攻一布衣寸心長望太平時
杜陵百日苦寒熱唐室幾年憂
亂離枕上難聽長夜雨
鐙前為賦故人詩更看冬至陽生後
南浦梅花好寄誰

朱伯賢

名右天台人

訪竹深賢昆玉觀與五雲拙守諸君倡和詩

因次韻

江南六月熟梅餘風雨兼旬水滿除礮道
逆流魚上笏芸香近几蠹侵書驅馳有使詩
情洽來往無人野

性疎最是田園蕪沒久苦教童子費畊鉏

竹深燕客于壽樂堂即席賦詩一章

湖水茫々漲碧波故人風雨亦來過
詩成屢作清平調醉後同聽白苧歌
氣味閑情于我厚文章有道屬君多
華牋落筆成千首不覺銀蟾挂薜蘿

席上次王交山韻

湖波漲新綠水生晚涼開軒燕嘉客
傾尊送飛觴樂此杯中物共聽松上簧
冷々遶金奏濟々鳴玉鏘良會不可再
清歡未渠央

與竹深同舟過姚江秋雨應候涼氣襲人陪
飲拙守齋醉餘而還明日竹深以二詩來寄

因次韻以荅

初秋同抵舜江城曉柝聲度柳營鴈塚過雲山色
暗虞淵浴日海光明龐公足跡寧浪出李氏仙舟逐
水生醉上籃輿向城市葛衣風軟酒初醒

山城雉堞起晴嵐客路迢迢過水南舟泛波心催蕩
槩雨通海眼出深潭流觴自對龍泉賞歷覽寧同禹
穴探歸向蓋湖多菡萏薰風落日看紅酣

新居既成重辱竹深識趣二先生下訪就用

見貽之韻以荅來意

重湖新水入河平風送仙舟蕩槩窮巷結巢甘艸
野高軒飛蓋拂林旌尊傾竹葉當窓飲春透梅花照
眼明尤羨墳簞相倡和詩壇森衛若陳兵

次韻奉謝竹深契兄

側身天地一間人寄跡東西瀾水濱賴得詩書延白
首肯隨車馬逐紅塵向時知己還誰健老去論心獨
爾親夏蓋鳳山纔只尺不妨來往擷青蘋

客臨濠奉寄竹深隱君

相知更親舊相思無盡時山川阻絲邈鱗鴻杳難期
華月出東嶺白日淪西陲南箕北有斗夜々天河湄
念茲中腸熱千里同依々安得乘長風放舟祈山陂
松居坐清暑竹間詠新詩擷蔬擊鮮鯉共尔斟酌之
優游以佚老餘生復奚為

寄簡棣萼橋梓諸親友兼呈漢章徵君

最愛君家好弟昆清歡長是醉琴尊蒲堂佳客時傾
蓋何處扁舟夜及門湖曲水深沙草碧林闌春早野

花繁詩成定過王徵士靜夜焚香與細論

王冕

題魏仲遠筠深軒

君家住處多幽趣繞屋琅玕淨無數蕭々清韻動天
風冉冉晴陰生綠霧湖山掩映蒼翠稠五月六月涼
如秋且開三徑待佳客祇用千畝論封侯况尔此君
高節古縱有雪霜那可侮平生正直少人知野艸閒
花徒媚嫵知君古意同古賢脫略傲情翻々我生
愛竹比君癖櫛風沐雨三十年投老歸來舊溪曲竹

色荒涼芳草綠歲寒無以慰懸懷只有梅花在空谷
聞君有竹心遑々便欲迺造君子堂安能為我羅酒
漿月明吹簫呼鳳凰

唐肅

上虞魏氏尚古亭

蘭風山中兩坏土云是唐朝九弟墓唐朝九弟鄭公
孫遠自鉅鹿來葬所福州文學文章家石首大夫民
父母短碑三尺猶可讀剝落龜趺卧榛莽有孫有孫
心獨苦來拜松楸淚如雨藤蔓苔荒五百年上世遺

餘此其古福祈山連下盖湖輦載兩石歸吾廬正憐
斯文紀先德不但鐵畫銀鈎書賢孫有子復好德重
作茲亭覆茲石當時者復有碑李公文章秦公筆
吾來正值兵革餘荒村廢城狐兔跡歸然獨映馬鬣
封喬木垂陰一千尺不見他家冢累累々亦有圭首蟠
蛟螭只今斷裂半為礎敲火不禁芻蕘兒

釋宗泐

短歌寄魏仲遠

夏盖湖吞上虞浦魏君家在湖邊住岸花汀草幾春

秋白烏滄波自朝暮知君愛家仍好奇畫船載酒如
漢陂擢歌中流日將夕璧月湧出青琉璃嗟哉隱君
端有道世上無如閒處好王充遺迹尚可尋賀老風
流良不少去年聽詔來京國識君臉紅頭半白別懷
空與水東流海燕江鴻新消息今朝聞有東州船有
書欲寄心茫然福源精舍地最偏安得與君湖上相
周旋

拾遺

李延興

福源精舍

京城六月日如火風軒散髮執書坐頓嫌城市多煩
囂欲買田廬何處可素几茶甌吹碧香有客敲扉偶
相過為言越中好山水厥土膏腴不偏頗魏氏之子
文貞孫玉樹臨風色嗟々讀書浙水之東頭蒐今撫
古以自課夏蓋湖光白湧雲福祈山氣青浮座三江
帆上暮天長八月湖平秋水大亭邊獼猿長如人月
黑林昏盜山果桃源人家疑此是洞口雲深畫無鑠
百壺酒醉江南春擊缶高歌兒子和西蜀少陵恒苦

吟南陽武侯尚高卧文貞昔在貞觀中大節堂、不
終挫好將舊學佐朝堂行見英風振頑懦索居何日
賦歸來盡理遺書載輕舸我昔耕牧峴山陽門前水
田是秔糯十年道阻不可歸江上秋風茅屋破舊栽
松柏定成林石墻竹梢添幾个向來者舊安種無每
一思之泪交墮福源林壑倘見分卜隣擬在山之左
客歸好語仲遠君歲晚家書煩報我

戴良

題夏蓋湖魏氏福源精舍

虞畊表鄉縣夏載紀山川前聖事多往後哲慶方延
偉茲鄭國裔彌曠李唐年運移澤未竭家久禮益傳
直道溯前訓孝思光徃篇合宗懋明德邇急拯時遭
初壯尚沉滓末暮宜纏牽山游翫松月湖泛弄苔泉
地隔人烟迫天浮雲景鮮生應寄別業死竟托幽埏
名世汗簡行有金石鐫每覩穹碑煥兼懷嗣子賢
欲知百世後尚求千載前本固榮斯盛源深福乃綿
羨思須結網不稼詎盈廛寫誠勵朋好世美非徒然

凌彥翀

福源精舍為魏仲遠賦


松雪翁書扁

福源精舍何年有學士親書湖上墳卜地依稀封馬鬣
種松次第竟龍文魏公笏在多遺澤夏蓋山高盡
白雲前代名人留制作子孫從此藹清芬

庚辰十月既望閱一山九靈柘軒三君集復書
此竹垞老人時年七十有二

右敦交集一冊上虞魏仲遠錄其友酬和之詩也
作者二十四人詩七十六首其末宜有仲遠題識
而今亡之非完璧矣冊為我鄉李太僕君實紫桃
軒藏本康熙丁丑予購得之稽諸竹齋丹崖全室
集多有與仲遠贈答詩仲遠父處士明叔預卜塋
兆於福祈山陽結廬其下曰福源精舍丹崖為之
作贊又為題尚古亭竹齋亦有筠深軒長歌季潭
則有短歌予因補書其後仲遠名未詳郡縣志俱
不載惟丹崖作孝女朱娥詩序有上虞魏士達或

者即其名與竹垞老人朱彝尊書



偉觀集

詩 元羣賢題

長江偉觀圖

龜書出洛水神禹膺九疇豈伊曩倫叙洪濤六安流
惟岷西南隅金火相綢繆江源發其側微茫不容舟
淺瀄淵遂深道遠勢乃道辛勤踰青城憤怒脫黃牛
漢水軒兩川彭蠡會七州劬朝宗心自可無滯留
屹彼金與焦相望僅一漚離立當要衝不沒六不浮
大類武安西震蕩不得謀神奇北山捷乃以一卒收

又似尋邑兵兕虎襍糝氣貯百文叔草々就俘囚
巨測天地心平地陳險幽我疑東海若力據江上游
於此戰不勝奔迸落兜矛不然江神薨厥婦義從遊
天吳後祕恠負石奠雙止九思苦未得物理諒難求
因悲英雄人爭此若射侯偉紘韓將軍鍊鎖掣萬艘
向非天與靈萬騎真杵投至今江之波猶負脫鼠羞
我昔曾過之噴々淚盈眸中流一長嘯宇宙增百憂
東顧無津涯赤日出海頭西望赤壁磯尚想曹孫劉
正北維揚城樓櫓鬱相糾寒烟 衰草日薄風颼颼

近聞事益殊沙戶逮稱酋舳艦夾鶻舫浩蕩劇長蚪
蕭瑟但一氣焉能辨邗溝向來金碧堆一炬十二樓
諸天盡星散死樹生清秋時事翻反間桑海變蜉蝣
安知億壤外偉觀寧此否取我金巨羅披我江錦裘
酌以一盃酒淨洗千古愁至正丙申之四月董旭畫
前圖并賦其左

一葦秋風昔渡時曾看形勝豁襟期江連漢沔開天
塹山湧金焦鎮地維箭管聲沉人醉月戈鋌影滅客
圖棋於今此處烽烟靜重見輿圖上赤墀

許德彛

十年無夢到揚州今日披圖想壯游
幾見樓臺標勝槩誰將簫鼓下中流
烟凝落照山嶺紫水激西風鴈
秋莫問江南舊行客黃塵應滿木綿裘

種山樵者唐元壽

我昔夢遊登北固眼明萬里豁心曾橫流
天地淨如練直赴滄溟勢若龍浩蕩衝風
惟應順混茫涵日自朝宗沂流誰向君
平卜忠孝言人復肯從

會稽陳謨

憶昔南遊江漢上中流棹歌聲激揚群
山西來自巴蜀一水東下連荆揚琵琶
亭下艤舡處黃鶴樓頭春酒香江山在
望不可到披圖使我心悲傷

東野沈性

往歲曾登北固樓遙看天際白雲浮
江分吳楚波濤闊山湧金焦樹木稠
落日放舡過赤壁清秋騎鶴上揚州
於今高卧蓬窓底展卷令人憶舊游

篤烈圖

長江開偉觀江上兩峯青峽出朝雲
霽潮來夕霧腥

丹樓升上界碧雨汲中泠記得揚州過乾坤夢未醒

馬山

憶昨樓舡下石頭舟人指點說揚州江分南北天為
塹山擁金焦地欲浮古渡雨餘烟樹暝斷鴻風急海
門秋老瞞詐力成何用千古難消赤壁愁

山陰王受益

玩鞭亭下錦帆開尚憶清遊首重迴天際波濤吞日
月眼中金碧湧樓臺幾朝冠冕嗟南渡萬古山河自
北來今日展圖成一慨西風蕭瑟有餘哀

浚儀趙良翰

妙高臺上憶躋攀萬里江天拍顧間潮越海門來一
線山開金剎擁雙鬟星河影落魚龍窟今昔兵攘虎
豹關十載風塵猶在眼較蛟何日淨滄灣

錢唐錢元肅

長江一眺思茫然樓閣參差壓翠烟古渡放舟殊有
感中流擊楫竟忘年東南落鴈千山月西北浮雲萬
里天此日展圖愁似海不知巴蜀隔湘川

浚儀趙孟義

備錄
四
艤棹欲過揚子渡，隔江曾聽廣陵鍾。
兩山中起分形勝，萬水西來激要衝。
鏡瓮城高悲鼓角，海門潮落混魚龍。
當年據險人何在，悵望烽烟隔九重。

永嘉毛珩

江漢東南合，湍流日夜奔。
兩山天作峽，萬古海為門。
石斷金鰲立，城墮鐵瓮屯。
百川今混一，舟楫際乾坤。
憶曾北固望揚州，萬里涼霄一鴈秋。
天下久無南北限，流江不盡古今愁。
年來兵甲連京口，日報艨艟下石頭。
安得洗天風雨至，長歌醜酒賦重遊。

往年過揚子渡，嘗賦五言詩。
寫長江偉觀而大興圖之一統焉。
因觀是圖，覽今思古，載歌長律以寓興感之懷。
并書舊詩於上。錢唐錢宰題。

第一江山獨凭闌，秋風斷石倚江關。
兩峯倒影魚龍窟，一水中流天地間。
海日東生月西沒，官舡北去客南還。
莫愁白髮搔來短，酒落金盤入醉顏。
雲濤雙闕駕飛嵐，鮫室龍宮手可探。
銀漢合流天上下，扶桑日出海東南。
重來古渡烟收棹，幾見行人雪滿簪。
莫把好懷成悵望，高樓明月倚清酣。

浩々長江勝槩雄畫圖形勢記餘蹤中流荆楚逾千
里對峙金焦插兩峯天接水光浮日月山連雲氣擁
虬龍壯遊猶憶揚州夢潮落西津聽晚鍾

延陵陶定理

皇元混一無南北萬水樓舡足可遨巫峽晴雲連鐵
甕海門紅日湧金鼇百年勝槩開圖畫一夕西風捲
怒濤迴首舊遊如夢想詩成清淚落霜毫

山西何九思

金焦山下昔曾過聞道如今事已訛澤國風高叫鴻
鴈海門潮落吼鯨鼉紫簫聲斷人何在黃鶴樓空恨
最多誰寫遺蹤畫圖裏令人搔首發長歌

毗陵陶珽

楊子江頭昔繫舡兩山相對湧金蓮雲橫殿閣臨無
地潮打魚龍落半天近蹴南徐當北固遠吞西蜀跨
東川披圖更覺襟懷壯回首風塵又幾年

高唐郝天鳳

落日樓臺見水中金焦形勝出雙峯九江西去連三

蜀五馬南來化一龍
渡口舡開時擊楫
海門風靜夜聞鍾
璫華隔岸揚州近
月照金盤露正濃

雷門邵毅

江樹參差江水深
梵王宮殿立波心
六朝南控是天塹
三峽西來愁太陰
形勝至今多感慨
風烟滿目幾登臨
廣陵迴首秋無際
落日踈鍾度碧林

三山樓禮

揚子渡頭華正繁
我昔維舟春日間
劃開銀漢走千里
點破滄江是兩山
絕景不隨龍化去
好題常待鶴

飛還登臨未盡空
惆悵滿眼烟蕪夕
照間

玉笥老人王禮

長江自古開天塹
南北雄分萬里強
水引清源來蜀國
潮將遠信到潯陽
烟消魏武龍韜困
月照蘇仙鶴夢涼
為想舊游如畫裏
楚山雲白樹蒼蒼

錢唐釋元顥

此地從來天設險
紅塵滄海幾浮沉
中流一水限南北
對峙兩山成古今
日上石頭開王氣
雲生京口閣春陰
披圖緬想曾游處
風景蕭々易動心

信齋集
山陰王儼
壯遊曾識長江景形勝由來天下聞萬古烟波元不
斷兩山風月自平分蒼龍挾雨歸遼海白鴈衝寒度
碧雲一見畫圖成感慨振衣長嘯立晴曛

山陰胡裕

天塹長江自古雄青山對立玉芙蓉鱸鱖窟穴中冷
水烟兩樓臺北固鍾壯觀不磨星寶石中興還復馬
為龍舊遊幾度揚州鶴今日披圖得重逢
氣吞荆楚壓秦雄絕險中分阻要衝潮落江心奔萬

馬山當京口卧雙龍青天欲盡日月小白鳥不飛烟
霧重猶憶金焦風雨夜翠微深處聽長松

山陰沈懋

金焦兩峙出中流北固樓高江上頭畫舫春風過采
石瓊花明月照揚州鳳皇飛處青山近龍馬來時紫
氣浮千古登臨興未已有人吹笛起沙漚

南陽葉頰

萬里長源起濫觴雪山九道落潯陽何當挂席遡江
漢坐見朝宗如會王

魏郡李燁

金焦形勢自天開遙望長江來
來一道白虹穿霧窟雙浮翠羽出
龍堆落星石下朝停棹明月樓中夜
飲杯惆悵壯遊今老大卷圖還客意徘徊

馬山

長江萬里景無窮疏鑿難忘大禹功
風送帆檣楊子渡山巖樓閣梵王宮
晴雲隱隱連天遠白浪茫茫與海通
回首舊遊形勝地於今得覩畫圖中

李恕

江水西來東注海中流兀出兩峯尖
層樓倒影波心碎列岫堆藍雨後添
草樹不香寒露濕舟帆偏穩晚風甜
雙龍矯首經年在入畫令人看未厭

膠東楊德賢

憶得往年當早秋曾乘官舫過揚州
金山高並焦山秀漢水遙連楚水流
幾箇茆茨低木數間樓觀起高丘
何由掛冠謝塵俗短衣蠟屐來優游

廬陵鍾弼

樓閣高標散雨華畫圖開處見晴霞
長江自古為天

暫四海于今屬帝家紫氣千尋浮鐵甕虹光一道貫
星楂望中便欲窮源去何用臨風 歎嗟

艸昇金滄剛

我生置身崑壑中登高獨立江之東金陵佳氣遙指
識九重閭闔迴天風大明宮中多揖讓虎踞龍盤自
雄壯堯年舜日鎮相仍管取乾坤傳百王景星出兮
卿雲開三山一水拱高臺鈞天廣樂戛金石鳳凰為
我臺上重飛來憶昔先皇斯赫怒車駕中興復南渡
奠安宗社循舊章萬歲金湯長鞏固大一統惟我朝

含齒戴髮歌慕蕭茲圖江閣披偉觀光芒東旭初生
潮兩峯湧出青蓮開佛國鯨鼉不作風波息便欲乘
槎去上天心逐東流星嚮北

余觀會稽張氏舊葺董旭所畫長江偉觀詩弓類
皆傑作金 而玉應氣岍 出茲豈易評品也哉
惜乎時當元季感慨之辭居多迨我皇明混一區
宇尚何天塹之險南北之限 獲覩故戶部侍
郎高侯擊缶集韻至登金陵 望大江之作
使人心目飛動為之激賞不已噫茲所以鳴國家

一統之盛也歟余既踵題卷末不過塞責耳於是
技癢効嘖輒復追次其韻斯

傾向之誠并

誌歲月之先後云

永樂壬辰鞠月登高前一日金柔再賦

此卷原附敦交集後皆元人所作并錄之

